

大生要旨

四春山要旨序

言醫之書甚多而莫難於婦人科婦人
科醫書亦甚多而莫難於胎產夫婦居
室天也生人自然之理本無所為難也特
以人之賦稟厚薄強弱之不同血氣有
靈實寒熱之各異醫之者苟非因標達

本竟委窮源審其病之所在酌其藥
之所主而歸於的當鮮有不貽誤者大生
要旨一書為吾邑唐桐園先生所纂著
鏤板行世已久其中列種子胎前臨盆產
後四門酌選古方緊要皆切而穩簡而明
藥到回春以仰體天地大生之德功莫大焉

惜其版散失無存古婁葉君雅仰仁心好
善夙究岐黃其家世藏婦科胎產諸方
悉至精且當密保命衛生歷驗實有
明徵者因即唐氏所輯而增廣之至保
嬰諸方俱選徑驗必效者而尤莫要於出
痘故以稀痘種痘為最穩種痘之方舊

板亦失雅卿尚須精選續刻以壽世先
以此乞序於余并附刻余所作種痘之
序於後余故不揣冒昧謹綴數言以推
廣大生之旨云爾

咸豐八年人日海上翼雲江駕鵬謹識



增廣大生要旨序

大生要旨一書吾邑名宿唐桐園先生
輯以壽世者也書凡五卷合婦科產
科而一之使未生者保生將生者遂生
已生者全生體天地好生之心以生
不窮生之不息誠哉其為大生也是

書板久漶漫近且失傳又所輯但古
方如新出休寧汪氏產科心法脈藥
各條闕而不備其他家傳秘方無論矣
雲間葉君雅卿窮究刀圭六氣五脈
均有心悟尤念胎產一門母子命懸
呼吸不容稍緩須臾也爰取原書彙

以心法及秘方數則增廣成編錄以示
余、謂古來方書如孫思邈千金方
蘇沈良方按籍而稽或格、不下以
叔仲景稱醫聖所著方猶待後人參
酌而行之運用在一心醫法固不殊兵
法也然獨至保產保嬰又不可不遵古

法何則天地生萬物、生而蒙穉而
養皆亘古及今不變之理無所矯揉
造作於其間但以體質不同感受偶異
寒熱溫涼隨方以補救之要在得乎
中和位育而心醫者苟師心自用庸
術妄投以性命為嘗試則固是書之

罪人也。顧余又有誤焉。生民詩曰：誕彌厥
月，先生如達。夫物類之生，其不圻不副，
無災無害，皆是也。何獨於達比之？蓋羊
性善，又跪乳孝也。至於梟獍之類，雖未
必皆胎生，殲卵生，殲顧生，而無異不生。
則亦非天地所樂得而生者也。今以人之

生也而曰逆產則非順矣曰難產則非
易矣究其非順非易之故毋忘有性成
稟稟而大異於達者與此又天下之生
者當先慎之勿以醫方之不效而自昧
乎民之初生之本也是為序

咸豐八年九月瀛門李鍾瀚



大生要旨原序

天地之大德曰生人者天地之心也自帝王卿相下逮一命之士編戶之民鈞是人卽鈞是心莫不以好生爲念而況人之始生兒命所關卽母命所係其所爲維持調護者更不可不周且詳也往者修善之家刊達生編保產機要等書世多有之而相沿襲刻未曉醫理其中不無舛誤且止及臨盆一節而於統前徹後凡得子之道育嬰之方則缺焉未備有心者每以爲憾同邑唐君桐園儒而醫者也其先封王父上采公精岐黃術以藥濟人行誼著通志孝義邑志獨行中尊人仁巖先生余之表母舅也明經碩望

身雖白門都人士翕然宗之居鄉居官咸前矜恤單寒至今猶感道不衰蹟亦具於邑乘君稟承世德學有淵源更師事邑之名醫王協中先生同遊講貫精通靈素百家今三折肱矣著有內經註疏傷寒論註疏脈證諸書義博帙繁剖劘尙需歲月而彙輯大生要旨一編分種子胎前臨盆產後保嬰五卷參用舊說間出新裁視向來諸本務折衷於十全而無弊縉紳仁者見而寶之共勲付梓會子荷天子寵命巡撫黔中赴江蘇

行在所請

訓便假旋里得快讀斯編見其言簡而意該例明而義舉防於

未至拯於將危所附諸方一一斟酌精審在富室固可奉
行卽貧家亦可遵守至荒村僻壤急遽倉皇之際固不可
檢閱以知保護因以歎是書之用心足補造化所不及而
爲功至鉅且遠也語云不爲良相卽爲良醫君真今之國
手乎播諸遐邇全活必多卽謂能體乾之大生坤之廣生
也可乾隆二十七年喬光烈潤齋氏序

產科心法自序

醫之一道爲司命之司原非容易但能存心濟人博考羣書臨症體察以人性命爲重雖未能有聖賢之學而虛實寒熱表裏陰陽辨釋明白用藥得當自不致於悞人而胎產一科尤宜謹慎守法略一錯悞則胎不保甚至產母亦傷能無怨乎至於產後總屬氣血空虛丹溪先生云雖有他症以未治之此誠千古格言自當遵前賢制方選用斷不可以杜撰悞人如無憂散佛手散生化湯之類千古不磨毋庸苟且每見今人醫產全不合法一味杜撰好奇名爲生化實非生化之意

時醫蓋以專誠請來僅以古方施治不特負此一請且恐爲人看輕

不得不得不搜索枯腸另開方體厚者僥倖得愈設遇體薄者
藥而卒以害人深堪痛恨禍必立至至於產後汗出須防元陽外越泄瀉卽防中氣
下脫喘急更防惡露上逆此皆產後極忌之處而產後發
熱常有之也緣下元空虛陰虛生內熱只須四物湯加童
便熱卽退也間有瘀血不行者有經風者有停滯者有蒸
乳者各審其因而藥之風感者用歸芎補血之中加黑荆
芥一味足矣蓋產時體虛百節開張腠理不固易入易出
若表其汗則元陽外越未有不死者也其停滯者只於理
脾之藥加穀芽陳皮可矣蓋脾虛則不運化宜用陽藥以
助脾溫胃卽運化矣須知產後有邪總宜補中兼消未有

消而不補之理有等初學無傳之輩放胆竟用柴苓羌防
山查神麴之劑似治傷寒之病忘卻產後之身致輕者變
重重者卽死悞人不淺真可畏怕也況中風一症乃血虛
者多內經謂治風先治血血行風自滅張景岳先生師其
意發有非風之論此皆醫平人而言尙謹慎如此而況產
後肝血空虛虛生內風更可知矣夫天地有好生之德吾
儕可不慎重於斯而以人性命爲兒戲哉予每見而憫焉
因產科心法纂選成書此吾數十年來用之效驗悟於心
而應於手且簡而不繁俾產家觀之爲準繩則性命得以
安全醫家一有準繩則舉手無錯悞矣乾隆四十五年休